

興國縣志卷之三十四

寺觀

大乘寺在東門內直縣廨後唐武德二年建初名萬年元至正八年勅賜今名舊有飛來殿石佛銅鐘古蹟旁爲東林西竺二禪房明中葉以其址建學宮後移學寺仍舊 國朝乾隆三年知縣徐大坤徙城隍廟於大乘寺西竺仍存廟右東林移在廟左嘉慶十三年重修分爲內外二寺

三檀寺在西門外數百武南唐時建號西山寶勝永泰院宋治平中改今名元僧用和再修復縣尹陳文彬董

興國縣志

卷三十四

寺觀

一

成之泰和劉崧記明洪武萬歷間先後修葺 國初前殿燬康熙三十五年重建乾隆二十三年重修四十八年繼修

普惠寺在縣西南里許唐中和二年建舊名西禪元末燬明洪武四年修復改今名 國朝乾隆四十四年重修

觀音寺在西門外依巖爲寺元時三台巖舊蹟中有許旌陽道院見劉崧記明萬歷中知縣何應彪改名觀音巖鐫字巖上巖前有龍虎二石一黑一黃 國朝嘉慶二年因巖前澗水泛溢冲塌無存移祀大士於上巖鑿

石爲龕循壁爲寺復名三台巖虎石移置寺前迤左爲痘娘宮乾隆四十六年五十八年相繼修葺右爲藥王殿乾隆十三年建嘉慶二年重修廟內一泉甚甘冽暑暍不涸又右爲眞武閣

觀音閣一名慶源閣在東隅濠池口上道光四年卽舊址重建

靈山寺在清德鄉順義上卽名勝志南康玉山之龍華寺唐貞觀五年建宋時有鐵船僧面壁於此榜曰靈山寺元末燬僧藏山修復明洪武永樂萬歷間相繼修葺前爲山門面香爐揖鐘鼓二峯中爲大雄殿左倚峭壁

興國縣志

卷三十四

寺觀

二

右爲僧舍知縣張尚瑗額之曰窈而深

妙明寺在清德鄉文溪唐貞觀四年邑人蕭剛捐地施田叙建明洪武七年重修嘉靖十四年水決地圯二十九年重修

延壽寺在清德鄉新村唐太和二年建明洪武中重修國朝嘉慶七年繼修寺內有巨鐘重千觔明景泰庚午鑄

圓覺寺在興廉里塘石村唐貞觀間建原名天花山圓覺禪院宋易名感化國朝康熙間知縣黃惟桂復以圓覺顏之院宇幽靚庭中古檜二株蒼翠翔舞

楓樹菴亦曰復古禪林在清德鄉濠坑明嘉靖十一年
建登山三里許皆行清樾中有菴曰薜蘿又名黃螺菴
明嘉靖二十一年建

東龕寺唐乾寧二年建久廢

鶴雲寺一名白沙寺在殷富今廢

鶴林寺在儒林鄉龍沙

實相寺在儒林鄉程水明季屢修

國朝雍正年重建

嘉慶六年修

正覺寺在大足鄉忠孝新少姑

楞嚴寺在大足鄉距縣五里

興國縣志

卷三十四

寺觀

三

龍華寺在大足鄉羊山舊訛爲煬帝祠寺居山頂東向
拱邑城

大烏山寺因山得名在寶城鄉

白華菴在寶城鄉白石

雲山寺舊名白蓮寺在衣錦鄉上黃嶺

朝陽寺在衣錦鄉下黃嶺嶺高數里崇阪層岡皆茶漆
竹木

磔下菴在衣錦鄉有方竹白蓮之勝

千僧寺在衣錦鄉郎團內半都明宏治間建

國朝嘉

慶元年重修

準提菴在北隅鳳岡水口順治十四年建乾隆十九年重修嘉慶八年再修

白雲菴在瑤岡背乾隆五十九年重建

半偈菴在壩南

佛祖山菴在清德鄉距縣七里

東鎮寺在清德鄉文溪城岡上

茶菴在清德鄉殷富

蘭若寺一名廟背菴在清德鄉濠坑明崇禎六年建

影華菴在儒林鄉大馬埠康熙間建旁有風雨亭李自芳建

興隆菴在儒林鄉惲院團嘉慶十九年重修

興國縣志

卷三十四

寺觀

四

福善寺在大足鄉忠孝新竹壩乾隆五十四年重修

延福寺在大足鄉均村明正統十三年建 國朝康熙

十三年重修嘉慶十年再修

寶福寺在太平鄉藍陂乾隆間重修

東秀寺在太平鄉心田

景福寺在太平鄉高多

南華菴在太平鄉高多

慶雲寺在太平鄉黃田紗帽嶺

松隱寺在太平鄉崇賢楊梅

龍頭山寺在寶城鄉上堡明天啟間重修 國朝康熙

五十一年再修

定光寺在寶城鄉下堡方坑宋紹興間建明萬歷二十四年重修 國朝乾隆二十年嘉慶二十二年相繼修葺

覺林寺在寶城鄉白石宋淳熙間建明嘉靖間重修
大塘菴在寶城鄉上槎嶺雍正九年建

大雄寺在衣錦鄉江背峒下四甲康熙五十七年建
東鎮寺在寶城鄉東觀

青雲山寺在衣錦鄉鯉婆寨

東龍菴在衣錦鄉東村

興國縣志

卷三十四

寺觀

五

隆興菴在衣錦鄉間團都上逕

旃檀林菴在衣錦鄉間團都

靜樂禪林在衣錦鄉天源林麓陰翳淵泉靜深

上歸宗寺在衣錦鄉

西華山寺在衣錦鄉大岙洞

高嶺菴在衣錦鄉干田

東華寺在衣錦鄉三僚康熙間建

南極菴西林菴北斗菴俱在衣錦鄉今廢

梅屋菴火丫坳菴俱在衣錦鄉三僚

寒石山寺在衣錦鄉半逕

紫雲菴在衣錦鄉江背洞弓子坳

寶華山寺在衣錦鄉大嶺山之東

治平觀在縣西門外迤北數百武堯山堂外紀云葛洪嘗煉丹於此前有丹井後有洗藥池晉太康元年建明嘉靖三十二年改爲儒學四十年燬於寇隆慶初復建道場萬厯間又燬今忠烈廟卽其址

長春道院在南城外金雞冠嶺元末縣尹陳文彬修葺居蒲衣道人於此正殿九楹高入雲際有幻寓室葛藤窩清碧亭泰和劉崧記今廢

登真觀在南門外里許唐會昌間建明洪武十八年修

興國縣志

卷三十四

寺觀

六

今其故址猶存居民闢爲圃納稅於官

陽平觀在太平鄉覆笥山東荷嶺下原名陽明觀道光二年重修

三仙觀在衣錦鄉蓮花山頂嘉慶九年重修

至道觀在大足鄉久廢

高真觀在儒林鄉久廢

宅靈觀在寶城鄉久廢

清靜觀在城北二十里重甌巖道光二十二年壬寅羅由天道人創建又名其巖爲冰心洞巖前深澗卽仙女潭潭之上流相距不數十武爲仙人井巖右知縣李繼

會鑄大旱作霖教諭楊世儀鑄靈巖仙井各四大字於石壁對面爲片月巖同治八年己巳其徒胡善惺建三官殿

塔附

西山塔在西門外唐天順間建明初圯萬曆間復建國朝乾隆初年知縣徐大坤因形家言毀之嘉慶七年重建道光十八年又圯

朱華塔在儒林鄉橫石唐天順間建元世圯明嘉靖二十九年知縣盧立重建國朝嘉慶九年監生徐學儼重修

興國縣志

卷三十四

塔附

文峯塔在清德鄉文溪

凌雲塔在大足鄉澄龍嘉慶八年州同職鍾廣京建

塔北有

地名塔岡坊相傳宋時建塔於此土人嘗拈鎮塔五銖錢

雲霄塔在太平鄉齊分會姓建年代無考